



Universitätsbibliothek Paderborn

**Reverendis Et II-||Ivstribvs Dominis Virisqve Cla-||rißimis
Subdecano & Canonicis Metropolitanæ Eccle-||siæ
Coloniensis dominis suis gratiosis ...**

Hermann <V., Köln, Erzbischof>

[Köln], [1545]

VD16 K 1742

Ex Libro Ioannis Cochlaei De Papae Nicolai primi quibusdam Epistolis, actis
& decretis, pro defensione Episcopi Roffen. & Tho. Mori.

urn:nbn:de:hbz:466:1-35072

EX LIBRO IOAN

NIS COCHLAEI DE PAPAE NI

colai primi quibusdam Epistolis, actis & de-

cretis, pro defensione Episcopi

Roffen. & Tho.

Mori.

Ex Chroni-
cis Regia-
nonis anti-
qui autoris.



Guntheri-
us olim ar-
chiepisco-
pus Coloni-
ensis.

loniensis urbis Pontificem, qui eo tempore erat Archicapellanus, Rex primo per subintroductionis missos, deinde per semetipsum, super huiuscmodi dissidio, omni arte aggreditur. Et ut facilius assensum præberet, promisit se eiusdem Episcopi neptem in matrimonium accepturum, tandem ut prædictam Thietbergam, eius aliorumque Episcoporum auctoritate & licentia, repudiare quacunq; ratione potuisset. Qui (ut erat leuis animo, ac inconsideratus actione) protinus omni intentione introducitur, uana spe (ut postea claruit) seductus. Rursus idem Guntherius Thietbergandum Archiepiscopum T reuerensem hac de causa alloquitur. Et sciens esse uirum simplicem, nec adeo in diuinis scripturis eruditum, Canonisq; sanctionibus exercitatum, ex utriusque Testamenti paginis quasdam sententias profert, quas aliter, quam Ecclesiastica regula docet, edisserens, uirum improuidum secum in foucam trahit, cæcus cæco ducatum præstans. Quid plura! Facta sunt omnia, quæ huic commento uidebantur esse necessaria. Concilium Metis conuocant, Reginam quasi canonice uocatam, in medio statuunt, testes producunt unâ cum scriptis, quæ ualde gravia crimina imponebant. Inter alia protestati sunt, quod eadem Thietberga confessâ fuisse, semetipsam fratris Germani incestuoso concubitu esse pollutam. Continuo statuta patrum de incestuosis recitantur. Et non solum à legitimo uiro separatur, uerum etiam omnis copula maritalis inhibetur. Pœnitentia iuxta modum culpæ inducitur. Et tali nefaria machi-

Forte, fina
dicitur.

na

natione diu exoptata uoluntas Regis adimpletur. Non multo post interie^cto tempore, iterum Conuentum Synodalem Aquisgrani coadunant, ubi Rex libellum suæ proclamationis obtulit, ubi continebatur, qualiter in quadam fœmina, Thietberga nomine, factiosis per fidorum hominum argumentis fuerat defraudatus. Imo non mediocriter repetiuit, quod iudicio Episcoporum dissidentiam pertulisset. Quæ si idonea esset coniugali thoro, & pestifera incestus pollutione foedata non fuisset, nec uiuæ uocis confessione publice condemnata, sponte eam retineret. Porro se incontinentem esse professus est, & sine copula iuuenilis ætatis ardorem ferre non posse. Allatis itaque diuersorum Conciliorum uoluminibus, multa de incestuosis replicata sunt. Quibus recitatis, hanc diffinitiuam sententiam protulerunt: Credimus illam non fuisse idoneam ac legitimam coniugem, neque à Deo præparatam esse uxorem, quæ publica confessione incestuofo fornicationis crimine denotata probatur. Quocirca glorioso principi nostro, pro sua in diuino cultu deuotissima assertione atque uictoriosissima Regni tuitioне, cui non solum nos, uerum etiam Canonica auctoritas interdicit incestuosum coniugium, legitimum matrimonium à Deo illi concessum non denegamus, iuxta indulgentiam dicentis Apostoli: Melius est nubere quam uri. His itaque patratis, Vualdrada iam in publicum procedit, stipata obsequentium multitudine, omnisq; regia aula resultat, Vualdradam Reginam esse. Guntheri Episcopi neptis ad Regem accessitur, ac semel (ut aiunt) ab eo constitupratur, atque cum cachinno & omnium derisione ad auunculum remittitur. Igitur agentibus fratribus Thietbergæ Reginæ hæc omnia ad notitiam Nicolai Papæ deferuntur, qui eo tempore Romanæ præsidebat Ecclesiæ.

ANNO igitur dominice incarnationis D. CCC LXV. missi sunt Hagano & Rodoaldus, Apostolicæ Sedis Legati, in Galliam ad discutiendum, utrum res ita se haberet, sicut summo Pontifici nunciata fuerat. Qui in Franciam uenientes, pecunia corrupti, magis fauerunt iniquitati, quam æquitati. Tamen ad Regem peruenientes, cum ei declarasset legationis suæ causas, tale responsum ab eo acceperunt: Se nihil aliud egisse, nisi quod Episcopi ipsius Regni in generali Synodo sibi agendum præmonstrasset. Dederunt autem idem Legati consilium Regi, ut illos Episcopos, qui illi Synodo præfuerant, ad Sedem Apostolicam destinaret, qui uerbis ac scriptis uniuersali Papæ satiffacerent. Legati immensis ditati opibus Romanam regressi sunt, nunciaueruntq; Præsuli, quæ in Gallijs uiderant & audierant, adiuentes, se nullum sapientem Episcopum in Regno Lotharij inuenisse, qui ad liquidum Canonicis esset institutus disciplinus.

Interea

Intraea Thietgandus & Guntherius Archiepiscopi Romam profecti sunt ea animi intentione, ut Regem innoxium in supradicto facto demonstrarent, & se cum ceteris Coepiscopis Ecclesiastica atque Apostolica exercuisse decreta. Stultitiae quidē elogio denotandi, qui illā Petri Sedem aliquo prauo dogmate fallere posse arbitrati sunt, quae nec se fefellit, nec ab aliqua hæresi unquam falli potuit. Itaq; cum in praesentiam Nicolai Papæ uenissent, libellum obtulerunt, in quo continebantur gesta Synodalia, quæ in Mediomatico urbe & Aquis ab eis statuta fuerant. Qui cum à Notario coram omnibus recitatus esset, interrogauit Pontifex, si hæc scripta uerbis confirmarent? Inconueniens uideri, ut quod proprijs manibus roborauerant, uerbis infirmari malent. Et sic nec repulsa nec admissa eorum assertione, iussi sunt ire ad hospitia sua, quousque reuocarentur. Paucis interpositis diebus ad Synodus, quam Papa congregauerat, sunt accersiti, ubi eorum damnata & anathematizata sunt scripta, & ipsi, omnibus adiudicantibus Episcopis, Presbyteris & Diaconis sunt depositi, & omni Ecclesiastica dignitate priuati.

Quitam turpiter de honestati, Ludouicum Imperatorem fratrem Lotharij Regis adeunt, qui ea tempestate Beneuentanis morabatur in partibus, scriptis & dictis uociferantes, se iniuste esse depositos, ipsi Imperatori & omni sanctæ Ecclesiae iniuriam esse factam, cum nunquam auditum sit, uel uspiam leclum, quod ullus Metropolitanorum fuerit degradatus. Adiecerunt insuper multa alia, blasphemantes eundem Papam, quæ hic superfluum duximus enumerare: existimantes se eiusdem Imperatoris adminiculo simul & intercessionis ope, & criminis obiecti aboleri notam, & pristinæ dignitatis recuperare statum. Sed spes eorum frustrata est, quamvis Imperator omnibus uotis illis opitulari uoluisset. Thietgandus depositionis sue à Sede Apostolica prolatam sententiam patienter ferens iuxta praecedentem consuetudinem, nihil omnino de sacro mysterio contingere præsumpsit. Guntherius uero superbie spiritu inflatus, uelutum sibi officium usurpare ausu temerario non expauit, parui pendens Apostolicam communicationem. Reuertuntur igitur in Franciam, debita confessione repulsi. Et dum iterum ac tertio Se- dem Apostolicam reparacionis & restitutionis gratia adiissent, nouissime in Italia infirmitate præuenti, peregrini & exiles moriuntur, communione laicali sibi tantum concessa.

Anno dominice incarnationis D. CCC LX VI. Arsenius Episcopus, Apocrisarius & Consiliarius Nicolai Papæ, uice ipsius directus est in Franciam, quo perueniens tanta auctoritate & potestate usus est, ac si idem summus Praefus aduenisset. Comuocato denique Episcoporum

rum conuentu, Lotharium Regem alloquitur, ut unum e duobus eligat, aut pro-
priae reconcilietur uxori, abdicato Vualdradæ pellicis consortio, aut proti-
nus auathematis gladio feriretur, post omnesq; ei in hoc scelere fauorem præ-
stantes. Hac necessitate compulsus uel constrictus, uellet, nollet, Thietber-
gam Reginam in matrimonium recepit, interposito Iuris surandi sa-
cramento, se illam ita in reliquum habere, sicut æquitatis iur-
ra dictant legitimam uxorem esse tenendam. Nec
eam à se separaret, nec ipsa uiuente aliam
super eam induceret. Post hæc
Vualdradam, ex aucto
ritate Dei &
sancti
Petri, & uerbo domini Apostolici Romam ire
iubet, ut prosercationem redde
re studeat.

F I N I S.

